


梅亭先生四六標準卷之二十三

都大

賀新除川秦茶馬魏戶部

顯陟臺郎總提廐政文昌六部地官見謂之劇曹  
武騎萬營天府復專於隆委祿因德詔材與事宜  
恭惟某官心平而氣和人今而學古公侯子孫之  
必復固有世臣名義鬼神之難欺實由家學琮璧  
不雕而自貴鸞和隨動而有聲屹立夔人之藩籬  
何翅晉陽之保障儉以足用節而愛人迄轉上聞  
首膺表選握蘭依烏之位內陪從於大教摘茗市



駿之司外分節於少府職任昔分而今合事權滋  
重以不輕一洗空萬古之凡會如雲錦六經濟三  
尺之法歸近天顏輕破睡正濃之詩小試思無邪  
之李某苦慙驚骨復飲墓頤王良後造父先亦有  
馳驅之志汲黯贛寬饒猛恐非採掇之材

代通制帥通四川趙茶馬音緒

分巴跡之旌旗濫膺守土占益州之分野知有使  
星欣竊庇之自今愧修辭之已晚恭惟某官風猷  
凝遠天韻宏深博極羣書大乙之藜相照文焰萬  
丈長庚之夢不虛藉未陳周召之詩書亦宜獻閭  
平之禮樂恬為丞之再轉甘出守之一麾刻銅虎  
之符洵揚美最護木牛之餉益茂膚公謂宜運海  
以搏鵬又使摘山而市駿周原之茶膺膺包以緗  
奩魯垞之馬駟駟爛如雲錦豈容黔突行有些泥  
某頑頓之資踈鹵於事將指以出濫持天子之節  
旄無功而還不得月氏之要領敢意冒升於荷橐  
且令假守於銅梁有如凌兢何以全度東西之瞻  
使節儻未賦於旋歸前後之間清塵尚有餘於同  
味

代回張茶馬

子震

純用茶馬事

奏最蕃宣易司推牧卧雲而通象緯分東壁之  
光摘山而市駿蹄益固西秦之圍恭惟某官味甘  
苦永心秉塞淵出乘兩腋之清風已親法駕勒回  
中道之奔電歸扞渴羌茲揚春山之旗久擁東方  
之騎非環非玦上有雙鸞載馳載驅駕彼四牡取  
月團三百片之羨包以紺奩供天子十二閑之頤  
爛如雲錦佇頒鳳夸趣扈龍旂其有味溪芽無心  
天秣烹玉澆過秦之論徒抱渴塵籟雲作徠漢之  
歌更觀逸足

代錢塘趙縣丞通史都大 方的

佐赤縣於京畿曾微善狀望繡衣於霄漢輒贊空  
函誠知使者之輜軒寧顧丞哉之廳壁恃仁人之  
在上實善類之焉依敢瀝寸丹敬裁尺素伏念某  
地寒無挾天賦甚慳濫綴族盟既愧宗英之卓爾  
僅憑門蔭又慙舉首之衰然粗謹守於廉勤亦徒  
勞於州縣每發辛勤三十年之嘆若為扶搖九萬  
里之程頃贊武夷之六條及識文昌之八座青冥  
強箭妄希一發以五羶綠水寒波竟少九門之兩  
翼茲贊日畿之邑輒為露刻之謀冒於一來茫然  
四顧盡辨去牙角豈無對立之松槐毛根借恩光

誰念無言之桃李茲聞皇華之使實言造化之爐  
遂忘躍冶之嫌輒控問鈞之請恭惟某官清涵沆  
瀛峻稟扶輿若伊陟若咸賢合繼相門之相有封  
胡有羯末乃安常調之常五馬不受於二毛八駿  
又馳於四牡良弓良冶廣開橐籥之權鑄金鑄人  
總出陰陽之炭園法令行而禁止方兄昔歎而今  
豐點鐵成金實在一陶之巧匠鎔銅合額即成百  
尺之浮屠

代回史都大定之

光奉宸綸真持使蕩方千里而賦政久歛惠於一  
州園九府以通財遂褰華於數路恭惟某官人門  
有偉風調不凡番君得江湖之心不但蕃宣之績  
史公引漳鄴之利更高城築之功暫司坯冶之權  
洞識貨財之本恩隆正任使以大名地上流錢會  
當裕子母之積階前生玉行將繼叔父之風某密  
託隣光遠依夏庇六轡如組未遑瞻原隰之華萬  
物為銅願益赫陶鎔之業

代回鞏都大

嶸

杓攜龍角星駕賢勞氣轉鴻鈞天休滋至恭惟某  
官司存園法贍足方今坯冶一陶財不朝而豐美



陰陽為炭道已長於秦交撫于五辰愈是百福其  
空糜囊俸猶綴橐班誤出山林聚鐵已難於鑄錯  
頌成椒柏磨鈔聊具於報章

代回鞏都大

恭惟某官總攝三官阜通九府錢流地上知鞭筭  
之奏功人自日邊佇軺封之趣覲

代回鞏都大

持橐無功蒙誤恩之起廢飛箋為惠勤妙語之嘘  
枯有味其言不知所謝恭惟某官器資凝遠材譎  
深長時方多艱政有藉貨財之本公雖少屈亦足  
試陶冶之權行觀地上之錢流即聽日邊之璽召  
某投閑暮境躡貳秋卿燁然尺牘之臨甚矣蒼顏  
之愧藏之十襲感厚意以無忘雖則七襄覺報章  
之弗稱

提舶

代回市舶聶提舉

周巨

蕭駕星輶總司海舶舳艫千里有無得以懋遷胡  
越一家內外服其平準是為膚使允屬通材恭惟  
其官世濟象賢早騰燕譽青氈舊物蓋旋北斗之  
樞畫戟凝香晚試南交之宅不嚴而化所去見思  
惟是嶺陬久資破稅扶胥黃木習廉介之具孚銀  
甕白環紛貢珍之並入貪泉酌水已知吳隱之心  
祥飈送颿佇應孔戣之召某卜鄰有幸賀厦已稽  
六柜五羊難續遊仙之夢尺書雙鯉近寄驛之情

代回趙市舶伯鳳

奏課分符乘輅司舶候風入貢固常聚蠻越之珍  
酌水獻箴要當試夷齊之飲聞君廉甚職此宜哉  
恭惟某官蔚若宗英濟之世美再試弦歌之政所  
去見思一陶襦袴之功不嚴而治惟時嶺外交貨  
海中然商賈筭至舟車漢非得已若犀珠賄及僕  
隸唐已病之今大夫不務富其家則行旅必願出  
於市得人如此通國稱之某雖縻於茲行引而去  
露螢不暖安得照十二乘之車檣燕語留聊復答  
咫尺書之便

卷之二十三

梅亭先生四六標準卷之二十四

漕使

賀新潼川黃運使

申

知榮州作

疏恩北闕將漕東州次公之最既殊宜登丞弼叔  
度之撓不濁暫借澄清和氣褰帷仁聲載路恭惟  
某官負材瓌碩迪德忱恂怡然不辭小官之時恢  
乎可以大受之量盤根利器無四顧之全牛大輅  
鳴鸞洗萬古之凡馬茲收三近古之郡實昔再轉  
丞之邦田里無愁嘆之聲所居民富原隰有光華  
之遣果若人言惟益部之使星俱高而童漕之門

地尤峻建臺移治蓋田諫議之言持節策名有趙  
清獻之烈惟公濟美與古匹休使臣得咨訪之周  
上意知總領之稱某偶乘一障獲託萬間蹊田方  
窘於奪牛斗水誰哀於涸鮒即日褰裳而求去聞  
公攬轡而少留有刺史之榮無刺史之難是在使  
者飲故人者恩按故人者法惟所命之贊慶彼初  
乞怜是愧

賀黃運使交割

申

知榮州作

攬轡撫封褰帷問俗漕下冰解俟原隰之載馳財  
阜風薰與輶軒而偕至民無罪歲帝有德星恭惟  
某官簡要而恢通優游而昭晰萬頃不濁何能撓  
叔度之清四國于宣所去思次公之政暫別峨眉  
之月來觀涪右之風豈徒滌練鵲之袍察二千石  
蓋將倚木牛之運出五丈原列城暫倚於澄清衆  
職恐煩於總領某冒乘斗壘幸隸井封君子憂道  
不憂貧竝之罄矣國人望公如望歲雨以潤之

賀呂提刑除運使

詳刑奏最轉漕升華統部不移令已孚於先甲事  
權益進命不待於重申六轡借留百城胥抃恭惟  
某官負材鴻碩蓄德駿厓家學淵源置箕裘之序



治世臣閥閱屹鼎鼎之樓臺盍徑歸洋坳之班顧  
洵屈皇華之寄二節三節俾詳察於風謠特書屢  
書已茂登於歲績茲峻登於延閣俾專制於計臺  
地上錢流欲暫煩於鞭笞日邊人至即遄上於橐  
班其幸甚受容復茲竊蔭三熏三沐僅能寓致於  
雙魚載馳驅行賦勞還之四牡

賀夔路徐運使

瑄

叱馭及疆褰帷問俗察二千石知遠有於光華登  
百八盤亦備嘗於險阻神明所相忠厚為周恭惟  
某官德配春華氣涵秋杳平生仁義所學皆本於  
孔周單辭明清致君亦欲其堯舜出騰縣最入重  
郎潛謂拾級以升高忽抗章而引外汶川鄭水今  
為湖北之偏州漢廣江沱久矣召南之美化雙旌  
戾止五袴暖然諒思檢校於杜詩遂賦馳驅之周  
雅瞿唐五六月自昔畏團團之天巫山十二峯何  
况濟朝朝之雨遂勞六轡峻陟萬山蛇退猿愁人  
何堪而至此狨啼鼯嘯公所過以晏然聞蜀道分  
八使之權以夔漕為諸司之冠家有鹽井固足操  
用度之贏民無錢爐似亦困征輸之役一賢既入  
百姓何憂遠而使之觀其忠可窺上意使者專焉

得其道寧有遐心功名留久遠之看富貴乃緒餘  
之事如某者無用於世所敬惟賢頃聞武城之弦  
睢盱慕蘭近載益州之舫邂逅識荆便蒙許載之  
後車且復拍迷於前路稱曰知已知己未也更容  
受察於六條待以國士國士報之寧敢真諛於尺  
牘

賀李運使鼎

起家將漕揭節濟湘舊令尹之雙鳧甫去十五年  
之近部刺史之四牡今察二千石而來民距躍以  
爭迎公馳驅其何憚恭惟某官篤誠而明允簡要  
而清通言行擇君子之中庸德業得賢人之以大  
十年出幕孰居行營司馬之前萬里封侯乃在諸  
妾校尉之後勇襟望郎之被出塞膚使之帷爰從  
綠波青草之間盡覽赤甲白鹽之勝金掌甫升於  
卿月玉鈴又屬之將星與其食武昌之魚又看種  
柳不若蠟永嘉之屐少待成瓜有懷清絕之大招  
復賦皇華之小雅暮捲西山之雨曉行湘水之春  
洞庭無波聊護木牛之運祥犗為徽皆知竹馬之  
迎有功見知不遠伊邇某強顏佐郡偃指終更非  
有海沂之功可歌別駕豈謂瀟湘之也又逢故人

偶聞報之不先漸奏記之已晚儻怜秋水長天之  
共且善助之庶安清風明月之分會且歸矣

通張運使嗣古

飲水西江未及瞻舍人之樣披雲南嶽行當參都  
漕之臺欲提壘丞上累層使寸丹炯若尺素布之  
恭惟某官心契九秋眼高四海周情孔思探鳳髓  
以調膠宋艷班香拔鯨牙於刺手早司存於雨露  
既感會於風雲厭承明之廬人共期於三入歸靈  
光之殿天實相其獨存聊歌小雅之皇華來領大  
招之清絕上原下隰拓長沙千里之平重江復湖  
護洞庭九州之大齒髮未凋於計相腹心當屬於  
留侯豈舍王哉今召君矣伏念某蟬聯成紀鳧徙  
臨川家故一寒無蚍蜉蟻子之援官仍獨冷有驪  
駒狗曲之嘲歸尋黃獨之苗甘老青精之飯猥蒙  
文石之陞俾讀武岡之銘自非使者之汝容轉恐  
丞哉之余負鄉人見孺子之入諒亦惻於仁心長  
史無宰相之才詎敢干於薦口

通湖南黃運使桂

乘輅將漕攬轡濟湘光粲壁奎卿月謂升於金掌  
祥開翼軫魁星鶴聚於玉衡四海歎然重湖幸甚



恭惟某官果達而藝直大以方文武兩科蚤占羣  
英之冠冕忠信一念允為百世之楷模恬要路之  
在前甘急流之勇退東觀聿躋於蓬頂南風遽愴  
於棘心既釋素冠盍持紫橐顧賦皇華之雅來尋  
清絕之騷開天柱紫蓋之雲民巖洞見澄洞庭青  
草之水地險彌堅杜陵何憚於曉行賈傳即觀於  
夜對其一寒寡與三暑投閑頃者誨館下之生不  
能教胄今茲補黔中之佐定是負丞所幸綴曲江  
之題或可逃直指之斧貴賤位矣雖有一龍一豬  
之分左右采之固在四牡四駱之下

通潼川程運使

過孫

度劔閣之險戍月凄然望玉臺之遙使星明甚久  
欲布仰高之悃茲併修賀上之恭恭惟某官心平  
行高人今而學古影纓諾仕大夫爭羅而致之澤  
笏造朝廷臣無出其右者捨萬里九霄之騰踏甘  
五年一節之回翔不辭載馳載驅之勞茲見可久  
可大之業碩果何嫌於不食包瓜自得於含章皇  
皇者華昔固重周原之寄湜湜其止今况屯渭上  
之師願策木牛流馬之功却振金爵觚稜之步某  
學未能信年不後人直為文翁留再到之符遂使



石洪弃一盂之飯舟經灩澦鬢已覺其雙蓬路入  
褒斜命已危於破竹徒覺長安之咫尺竟漸淝水  
之八千河內願借留恂豈但任轉輸之委漢中無  
所事信倘或辱薦引之知

代通成都梁運使

綸

代董制帥

隨八月之槎遂離漢關望一星之分已次蜀都瞻  
之在前矐若乎後敢伺下車之始輒修上記之恭  
恭惟某官器宇弘深風猷凝茂學有家法肯甘州  
縣之徒勞政作吏師自合公侯之必復勇樸潛郎  
之被高寒膏使之惟古來天府之腴莫如益部今  
使雪山之重是在我公諒由四牡之華即有九年  
之積不勞黔突亟下紫泥某又汗班行獲聯事契  
豈謂半符之剖又依六轡之馳江路市橋想已遂  
碧雞之訪天梯石棧得無憐黃鶴之飛

上兩浙丘運使

壽傳

索米待公車之命僅志抱關轉粟給中都之官猥  
容入幕實有得賢主人之賀未知事大君子之方  
斐然修辭滂若下汗伏念某寸勇尺懦一拙百罹  
學不知方徒爾疲精神於蹇淺仕未能信尚何計  
班資之崇庠然半生脫進士之場已三仕作諸侯

之客碧雞坊裏側身猶望於早還白鹿坡前戰骨  
自甘於速朽偶獲返屠羊之役乃游雁砮憤之悲  
五削猶溫一簣正湏於補考百念既冷連年不果  
於到銓親故開陳勉強抵此公卿推輓伺候久之  
敢期得闕於日畿乃可託身於冰漕使者持斧實  
總陝東陝西之權賓之初筵宜得洛北洛南之彥  
詎應庸調可備諮議伏遇某官學本家傳材周世  
濟四顧千牛之立解一鳴萬馬以皆瘖人懷召虎  
之來宣日望伯禽之拜後道夙夜宥密之命亦既  
許時聯朝夕論思之班自應平步願以翼翼四方  
之極託之皇皇六轡之華礫其果狼了不容於掩  
耳壯哉雀鼠必從是以葦心六條觀風萬物吐氣  
孝者善繼人志是以似之欽哉時亮天功自此升  
矣尚念其一無操挾全蹈闊踈鵠繞月以何依幸  
二天之獨有魚冰川而相得或尺地之可通尚從  
吏師稍勉政學大事則從其長儻堪臧拙於小官  
先達者爲之前諒亦垂情於後輩

上湖南曾運使

槃

主俗吏之簿書竈方夜祭瞻華使之禮樂槎自天  
來半生忍渴於見賢一日奉身而受榮喜而不寐

文以足言恭惟某官得春委和與秋爭潔接江西  
之正派克肖茶山抱河南之遺書久窺禹穴根柢  
學問緒餘功名平生惡巧宦之圖握蘭屬耳所至  
成循吏之傳騎竹驩然游蔽帟於甘棠始逶迤於  
苞栩謂予環而趣侍又濡轡以載馳去江入湖彼  
善此蓋有之矣轉倉將漕唯與阿相去幾何人疑  
王事之獨賢公未帝城之願入洞庭九州之大近  
困轉輸衡山千里而遙正須廉訪揮王志慮摩俗  
痛愁續荆潭唱和之詩不妨幽眇對官室鬼神之  
問會即超遷某承學諸生就官一列寒窻事業粗  
知對白以抽黃矮屋官曹今使出朱而入墨懷哉  
君子之易事樂只小官而不辭向來一瓣香之詩  
南豐固在下有千歲苓之句東坡謂何

通權運司牛都大 六年

承流非績亦思歸味於蓴鱸轉漕非才敢取弃餘  
之竹馬負決難於超乘儂已見於循墻盍以寸荷  
布之尺牘恭惟某官洙泗正學淮海俊人言行一  
擇乎中庸名實兩孚於上下清標雅操立獨鶴於  
人間遠韻遐心送孤鴻於天末頃厭解豸鵬鷄之  
命來爲蚤叢魚鳧之遊天子十二閑闌如雲錦月

團三百片美若金莖廉不近名儉皆中禮脂膏自  
潤昔者人謂斯何圖史凝塵去之如始至王覲為  
可帝念在茲正須清獻之一琴往減汾陽之半樂  
某游從二紀奔走百罹方甘弄月於眉山敢望占  
星於益部已騰免牘異奉俞音萬一不已於馳驅  
再三尚求於教誨汝張汝弓汝鼓當飽顏行我任  
我輦我車悉希指示

代回夔路王漕顧問

疇庸司使易節將輸激江西之波既蘇涸轍之鮒  
踏巴東之磧更觀常山之蛇使乎賢勞王所簡在  
恭惟某官德浮於位材裕其官熟路輕車固有長  
驅之地急流巨艦獨高難進之風一麾江海之行  
千里湖山之得既田里之無愁恨宜原隰之有光  
華或謂斂散之權未展澄清之志木牛轉漕何妨  
籌策之紆金馬著書行見詔除之渥某緬惟新治  
恍憶舊遊福星所臨遙想疲民之樂業豐年可慶  
幸為老守而寄聲

代回夔路王運判宗孟

洊歷麾符榮將節傳彤襜繡斧新禮樂之光華赤  
甲白鹽壯江山之彈壓既均六轡坐奔千艘恭惟



某官抱負甚奇踐揚茲久屢登一黜之表綽著能聲四分五馬之符居多善政有華將拍不遠觀風認常山之蛇默識木牛之運跨灩澦之象佇觀畫鷁之來某漫浪之期差池其羽走長安之日又陪上雍之祠占蜀道之星還作高唐之想

代回潼川張運判

師夔

代董制置

傾蓋相驩夙承雅契驅車見顧敬佩高情更勤四六之貽彌認再三之眷恭惟某官材猷夙敏器譖端凝使節皇皇夙抱靡依之感吉事總總行膺不次之除某甚感珍投莫知瓊報藏之十襲足爲篋笥之光雖則七襄不稱檐榆之贈

代回楊國博

丹筆祥刑幸依光於翼軫繡衣轉漕忽改次於斗牛甚慙徇鐸之初有缺褰帷之慶高情厚甚下問燁然恭惟某官獨抱古心力行正道太學晨入士皆樂於有師湘水曉行民蓋幾於無訟自天出綽易地乘輶莫非王民何此界彼疆之隔徒得君重助春生秋殺之仁尤恐紫泥不容黔突某罔功閱歲撫事懷人有所不通方將考德而問業何去之速遂使離羣而索居所幸鄰壁之輝尚借滎河之

潤交泰亨而君子長惟此爲然有德道則朝廷尊  
遐不謂矣

代董制置回利路楊運判九鼎

升班延閣易漕价藩煥乎有文章上直堯言之祕  
送之以禮樂再華周道之驅就擁雙旌榮開疊組  
恭惟某官拔材膚敏稟德浚明湘水兒童能說轡  
軒之風采峴山父老尚懷裘帶之功名暫從神圉  
之遊實簡明庭之眷駕言龍節將指夔藩富媪孕  
靈坐溢牢盆之利姦胥落膽盡空訟詬之寃帝念  
葭萌地鄰蟠冢木牛轉粟路即達於褒斜銅虎剖  
符師可臨於秦隴有嚴三命欲集兩長東壁圖書  
自它有耀北門管鑰無競惟人某辱託爲寮尤深  
贊慶聞之道路恐又啓卜乘之行修其簡書尚當  
爲九遷之賀

代回湖南鄭漕肇之

曉行湘水遠知禮樂之華老入明光近抱簡書之  
畏因遺我雙魚之繾綣知駕彼四牡之春容恭惟  
某官奧學長材英聲茂實勒足奔電洗凡馬而一  
空運斤成風解全牛於四顧入朝甫爾出牧翩然  
撫字勞心香未安於燕寢澄清有志恩已賜於鵲

袍拓長沙千里之平旣均六轡護洞庭九州之險  
坐幹萬艘行奏計於甘泉即立班於文石其蒲柳  
之質糠粃在前芻狗已陳不意復蒙於文繡槐龍  
對舞所期及識於衣冠

代回淮南徐運判燁

榮驅漢節給饋淮壩禮樂遠而光華著聞于古師  
旅加之飢饉聚見于今欲息隱雷之聲正藉福星  
之照恭惟某官學為可用才難不宜素所蘊藏皆  
及物之志久於歛退無希世之心旣交章於北臺  
乞來歸於東海夜前席而入對晝衣繡以亟行奪  
螻蟻烏鳶之遺黎使肉骨之再活捕螟蠹螾賊之  
餘孽無翅股之復播苟可救民諒深體國盤根之  
別利器歲計有餘粟槎而歷天津風斯在下某過  
勤巽謝仰認謙撝寒日荒荒詎宜貪帝所之夢春  
郊處處猶將觀使者之功

代回福建趙運判善宣

起家越上將漕閩中送禮樂而有光華古莫重乎  
膚使一道德而同風俗今又在於廉車公無遐心  
民可吐氣恭惟某官持操甚厚揚歷采深至今京  
兆之歌曰前有趙宜入承明之直無以易堯不應

七聚落之間復勤單輅傳之出惟西北風塵之已  
息而東南雨露之猶墜問俗及豚羔山谷之詩云  
爾羨若超鸞鶴坡仙所詠非耶少觀荔子之丹即  
拜芝函之紫某未由旅賀例辱損箋分民病之憂  
願謹衣篝之護後天下而樂佇榮袞繡之歸

代回江東莊運使

夏

奏功司庾將漕陪京一道服於教條不勤易地六  
轡熟於原隰益足觀風中袞眷隆上流勢重恭惟  
某官材全業鉅學廣聞多高義之薄雲天早奮何  
蕃之勇道山之鄰日月晚離劉向之書輟從著作  
之庭出任皇華之寄聚萬民於荒政驅四牡以賢  
勞如此人才盍來歸於金馬柰何天塹方仰給於  
木牛風景不殊星言夙駕師旅因之飢饉正藉筭  
鞭氣色益以晶明佇頒召璽某冒焉浪出未以汰  
歸訪斗牛邊已後君平之問以春秋對佇觀莊助  
之來

代回江西李運使

班

起家乘傳將漕餽軍淞河以東之民去思未遠大  
江而西之地來莫已歌有志澄清何憂盤錯恭惟  
某官名隨日起材應時需近使之煩吏之殆無施



而不可善人也信人也似未足以相名方人物之  
眇然而江濤之如此天子有詔固將大任於陸君  
皇帝曰嘻猶有未平之劉關樵蘇後爨弩矢前驅  
繭絲乎保障乎公必本根之急濡需者卷婁者彼  
何鼎鑊之逃紅旗破賊黃紙除書直相先後畫棟  
飛雲珠簾捲雨寧久回旋某側聞下車方規上記  
受一屢於仁政亟欲謀歸勞四牡之使臣別遲贊喜

代回成都林漕文仲

將輸沔北易節劔南斜谷列屯方仰木牛之運少  
成一道已先杜馬之迎下車云初載路相慶恭惟  
其官好是正直擇乎中庸迎風寒露之玉壺潔其  
清矣暖日生煙之錦瑟和亦温然自奏郡庸出司  
漕計乘槎直上天已界於漢中叱馭疾驅星忽臨  
於益部聞數萬人通千里之役須十餘鍾致一石  
之糧弩矢前驅樵蘇後爨賢勞之無憚在聖眷  
則甚深兵借潤德鄰升華工正錦城雖樂期公乃  
在於早還金門少留即日會觀於暮召

代回湖南曹漕彥約

按荆湖右轉漕湘中六轡如絲雖賢勞於原隰三  
軍挾纜亦流潤於京師恭惟某官儒學醇明吏材

膚敏自策扞城之績亟膺持斧之榮告舍人趣治  
裝適當寇警見大夫無可使誰給軍儲徑煩行李  
之來以成破竹之捷民亦勞止因之師旅以柰何  
我儀圖之殲厥渠魁而已矣小觀者定即見勞還  
某縻職雉官馳神燕厦歲月如代空驚揚糝之在  
前造化爲工行見積薪之居上

代回湖北王漕

允初

起曹愷日甚慙清切之司信使觀風有澤皇華之  
遣先勤下問良佩高情恭惟某官望實飛騰典刑  
炳蔚一俞一咈當入陪廣厦之瓊載馳驅還復  
動陽春之脚有華清樾施及凋蒲某由獲胡顏投  
簪甚力老驥真老寧復戀立仗之芻孤山不孤行  
當迓在原之轡

代回淮西傅漕

誠

虎符奏最龍節疇庸禮樂遠而光華遐心何有師  
旅因之飢饉敏手是資恭惟某官機量醇明材猷  
敏劭駒在彼谷已空北馬之羣魚躍于淵盍展南  
鵬之翼甫班天上復守雲中帖四境之繹騷集落  
民之離散茲由畫戟就易繡衣雖合符得節若平  
進之常然疊組重珪非他道之比少頃咨度會即

勤歸某願交多聞獨欠一識整六師截淮浦正藉  
來宣使百工而求傳若猶堪共役

代回趙漕彥傑

殿藩江介轉漕湘流表得賢侯州乃無於一事衡  
為巨鎮食何有於九年宜煩單車以餉千里恭惟  
某官傑韜國器表立宗英出而專城壘書勉厲之  
有效入焉繕器工匠技巧之咸精侈兮南箕歸止  
西陌自起家而予郡已知國之得人田里既無於  
嘆愁原隰遂華於禮樂四郊如靖一節以趨某引  
分投簪家恩分組景鑿鑿以將入所欣瞻衡宇而  
載奔芳菲菲其彌章更願折瓊枝而繼佩

代回江西胡漕槻

奪情許國將拍餽軍移孝則忠蓋古所謂大臣者  
知遠之近故今用之鄉人焉恭惟某官挺有祖風  
蔚為世德中外踐敷之久聖明簡注之深素韜三  
年方枕曾參之塊綠林一日忽干通德之鄉觀察  
使急於賦焉見大夫無可使者惟閔子嘗要經而  
服事至伯禽亦卒哭而御戎帝曰汝諸公為民起  
樵蘇後變政觀韓信之奇弩矢前驅豈耀長鄉之  
貴某相識雖晚所聞已多山林臆之姦何遽至

是京觀鯨鯢之績願早圖之

代回黃漕榮

典獄參聯久虞瘵曠共工闕長忽冒攝承退自揣  
於頭顱難上司於喉舌露章控免天聽莫回諒四  
牡之光實分隣壁致五鳩之正躡代庖人方伺端  
歸亟圖候謝忽鳴謙之先辱寧裁復之敢稽

代回湖南徐運判輝

四牡之勞使臣久稽王覲五雉之為工正謬竊君  
恩曾巽謝之未遑已謙光之先辱恭惟某官王之  
膏使古之謀人雖駕單車身實兼於數器故鼎鑿四  
印勞不嘆於獨賢淮海無波京師知潤遂使雲司之  
白與分水佩之蒼某聽履可慙投簪甚切集于苞栩  
遙瞻星言夙駕之光收之桑榆已畏日暮倒行之戒

代回廣西楊漕方

起家子節將漕宅南高明有融及物之心未了選  
擇而使重遠之意可知恭惟某官明善成身為仁  
由已三仕無喜色三已無愠色養之浩然兩喜多  
美辭兩怒多惡辭聽其自爾及茲更化復此立朝  
遽為襍被之行造有褰帷之寵莫非王土寧辭五  
嶺之炎無有遐心行歌四牡之勞某因力曳履有



請投簪我營小山之居將委身而就老公作太元  
之草願載酒以相從

代董侍郎回辛運使克承

帖荆報政并峽觀風原隰之事孔殷正煩咨度疆  
場之虞未靖尤藉轉輸賢者之來民所收賴恭惟  
某官天資凝遠風韻浚明魏我千佛之姓名早宜  
臺閣屈折三神之步武晚落江湖茲煩漢節之華  
來假夔藩之重跨灑瀨之象不辭王事之艱難俯  
常山之蛇虵識老臣之開濟飛騰自此翹企俟之  
某別德光然為僚幸甚尚隣往日聽夜雨於巴山  
安能扁舟披朝雲於巫峽

代回淮南林運使拱辰

陞班中祕將漕邊陲禮樂遠而光華遐心何有師  
旅因之飢饉敏手為宜天不違顏星言夙駕恭惟  
某官器資庸敏德履弘深自司庾於日畿益舒翹  
於歲最屬淮人之離散求牧與芻忘漢德之寬仁  
帶牛佩犢徒得君重無俾民憂峻奎壁圖書之聯  
兼錢穀刑獄之任餽千金之日費正賴通材護數  
處之風寒更觀竒績某未遑望履甚慶得輿遺我  
雙魚愧莫酬於繾綣駕彼四牡願加志於馳驅

代回湖北范漕子長

肅將使指兼擁州麾一道觀風足展澄清之志專  
城宣化又彰鎮撫之材重湖無憂四海相慶恭惟  
某官人門具美天分素高久矣踐揚名實孚於上  
下恬然歛退言行擇乎中庸公道方申薦章勞午  
宜絲綸之一札畀符節以並驅夏口武昌三國之  
山川如舊江沱漢廣諸侯之風化一新不俟席溫  
即膺環召某推頽暮齒塵綴朝紳只今數日以謀  
歸外無榮望期公五月之報政別致賀忱

代回浙漕黃檢正學

陞華延閣將漕神臬綸命先庚而具孚輿人旁午  
以相慶恭惟某官器資山立材諧淵停游著民庸  
政安駭馬遍儀宰旅妙割全牛考前此之彛章宜  
引之於禁近厲日畿之選使動天陛之掄材青雲  
不厭於斜飛繡斧暫勞於直指未離尺五天之近  
儼立筍班前知七八月之間即持荷橐某卜鄰舊矣  
聞報躍然誦水鏡是人材之篇喜詩仙之有後思金  
石出丞相之語恐里諺之可占不成報章實致私賀  
回潼川提刑權轉運謝大博興甫

守蔽芾之甘棠正疑謫滿歌逶遲之苞羽敢冒恩除

甚慚不苗而畚又懼無麵之餅亟從控逆猥辱褒期  
恭惟其官心和而氣平人今而學古源流自康樂之  
裔洒落有宣遠之風招館下之諸生詎些豨苓之進  
展治中之別駕不辭驥足之淹尋 牧於兩川俱騰  
歌於五袴手提文柄心造化爐禮樂遠而光華遂驅  
雙節師旅因之飢饉全出一陶茲暫尋香火之閑寧  
得歛雲霄之步重珪疊組已觀游刃之恢然截鎗留  
鞭共看發硎之新若行遄四牡徑從六飛其已愧代  
庖詎堪乘傳折揚而和白雪願亟賦於歸哉轉粟之  
上青天異別求於能者

卷之二十四

梅亭先生四六標準卷之二十五

憲使

賀李知府除潼川提刑

鋤

丹檢起家繡衣問俗故國非喬木之謂世選爾勞  
奕葉茂猗蘭之光汝陳時臬星言雙節風聳列城  
恭惟某官器博而通材弘以毅卓犖坐空於萬馬  
笑談立解於千牛謂之禱抗謂之春秋素高家學  
有若伊陟有若臣苞宜襲世官與其勞四國之蕃  
宣不若奉六條而廉察公私之積可痛有賴阜通  
輕重諸罰有權尤資閱實昔者鯉趨而獨立今茲

虎拜以揚休載馳載驅共說西平之有子善繼善  
述更觀東府之象賢某濫守憇棠獲依蔭越作鹹  
作辛作苦幾不容一日之安惟內惟貨惟來詎敢  
違二天之按其爲歸倚罔旣編摩

賀潼川李提刑除夔路提刑

錫

自天出綽易地褰帷家人有嚴君焉舊膺此選皇  
華遣使臣也今世其官雖曰因避親之嫌亦見善  
繼人之志夔藩幸甚梓部駭然恭惟某官器重以  
周材弘且毅與人忠而執事敬見善明而用心剛  
四國于蕃茂甘棠之蔽帝六轡如組訃苞樹之倭

遲曾未暖席之間倏有改轅之命惟四蜀之門戶  
倚三峽爲咽喉昔先正保衡於此展澄清之志今  
命汝大正庶乎體欽恤之心遙知叱馭而驅之會  
有解印而去者忠信缺矣蓄積缺矣暫勞雙節之  
馳錢穀幾何斷獄幾何佇對九宸之問某方依雲  
覆忽報星移雖難留有脚之陽春然尚冀驪顏於  
廣廈送我而入楚澤固猶恨遠水之遯思君而下  
渝州會問訊清溪之發其爲忻懌罔旣編摩

賀新潼川王提刑

禧

奏最觀風詳刑易地天旋夔峽垂光來近於蔚藍



星入益都載驟復歌於苞栩仁聲籍甚封部驩然  
恭惟某官從容以和洵美且直自爲名進士之日  
蔚有古君子之風旣疇庸磊落之州合人從通明  
之殿顧煩雙節往控三巴蜂腰鶴膝之飢甍復盈  
膚革雀角鼠牙之滯訟洞燭肺肝古井無波陽春  
有脚還濡牡戀來顧鶴林禮樂言遠而有光况接  
鄉閭之近刑罰不中則無措更兼倉庾之平雖則  
劬勞又復馳驅於原隰周爰咨度便當獻納於軒  
墀某乘障非材奉身受察五善重拜忻聞君子之  
得輿百拙一勤儻許小人之全璧其爲頌詠未易  
編摩

通劉提刑

呈

丹墀賜對繡斧詳刑君遣使臣固光華於在遠獄  
爲司命必明謹而不留一賢觀風萬物吐氣恭惟  
某官器函方重識抱浚明曾中風月之無邊一塵  
不染筆下源泉之不擇萬斛而羸頃厭承明出將  
英盪以九畿施邦政天不違顏障百川回狂瀾海  
爲縮足願退頹於檠戟復出駕於輶軒司長沙千  
里之平惟良折獄澄洞庭九州之大何擇非人從  
知察小大之情必不容上下其手周爰咨度即開

衡嶽之雲慨然澄清何愧滄浪之水所恐思賢於  
宣室還當問路於脩門某起家一寒去國三暑強  
顏倚席昔慚洛下之生箝尾對壻今補黔中之佐  
雖云貳郡正隸六條廉不掩聾敢嘆丞哉之余負  
戇今成癖亦惟使者之汝容

通成都周提刑

居信

捫參歷井再爲油幘之趨挹斗揚箕摠隸綉衣之  
察欲徹畸孤之名氏例須耦儷之簡書斐然抽毫  
滂若下汗伏念某學未聞道年不後人亦知富貴  
之浮雲不如貧賤豈無名教之樂地何必事功直

以飢驅爲此祿仕西望太白窘峽水之倒流東訪  
蓬萊值海風而引去不謂詩書之元節尚憐鄉里  
之小兒表之鸚書隨以馬幣遂冒瞿唐五六月之  
險來訪巫山十二峯之高揆材地以闕然託使天  
而近只恭惟某官人今而心古行峻而氣平少年  
公瑾之綸巾豈甘寂寂他日伯仁之金印徑可纍  
纍居然盤旋州縣之間無乃培養廊廟之業勇訪  
半輪之月徑登九折之塗載酒凌雲頓釋里閭之  
愁嘆埋輪當路欲周原隰之咨諏何敬非刑惟明  
克允歛此大惠亦旣洽魚鳧之民訖其外庸即歸

接夔龍之武尚念其不遠萬里來奉六條安於小官而不辭亦惟君子之易事昔在嚴公幙間俱爲蜀使之知難甘原憲貧或竊效貢公之喜

通潼川丁提刑 必稱

登蜀猶天撫塵蹤而自嘆仰韓如斗瞻熒次以非遙敢裁小子之斐然敬告大夫之賢者伏念某才疎而力腐少賤而長窮託疲芥於山林未能辟穀繫飢愚於簪笏却媿伐檀居然四十之頭顱孰是尺寸之竹帛頃自湘濱之憔悴誤爲錦里之逢迎半路途遭竟勒回於俗駕三年飄忽難重入於禮羅不謂再剖符之文翁未廢三折肱之韓子撰書詞而具幣又委重焉荷岫幌而掩關旣無及矣惟是居收之禕允之任却愧乏儀之群博之材治法征謀逼人己甚臺評幙辯忤物亦多未論雞犬之求仙誰許龜魚之託蔭恭惟某官器資凝遠材具寬宏畫棟朱簾屈平蠻之籌策清江碧嶂蔚治郡之功名謂宜進之清朝庶可行其素學居然龍節戾止螭叢禮樂言遠而有光斯言信矣刑罰不中則無措自古謹之有如使者之賢足寄欽哉之恤綉衣持斧寧久滯銅官之山簪筆荷囊行入侍玉

皇之案尚念其貌無所挾誰適與容無谷自寒敢  
望春風之披拂吳舡未辦尚依夏屋之幘幪

通湖南揚提刑 揖

長入太學之下曾識明師曉行湘水之春今依虜  
使禮有嚴於事大書敢廢於恭先恭惟某官守道  
真儒庇民正學自其驅馳於外不辭小官固知磅  
礪於中而可大受由于男之百里海賓客於諸侯  
廩給百司簿正九苞人皆疑其婉晚公何有於鄙  
夷園橋億萬人甫知矜式起家二千石忽有薦揚  
上憐皖伯之邦久缺桐君之政徒得君重無俾民  
憂一札細書朝聞命而夕引道三年成聚今有襁  
而昔無襦孰期清絕之鄉又缺皇華之使爰將隆  
指出揔祥刑德星臨翼軫之間楚氛已靖仙槎來  
雲漢之表衡嶽頓開遙知登車之慨然必有解印  
而去者周爰咨度胡不均弘某副墨謏聞勾朱末  
萬譬諸川澤之下獨何蕃歟不知鄰醜之前有賈  
生否適是褰帷之始欣然祭竈之榮簿領中有是  
人耶非敢望也夫子嘗爲委吏矣能勿誨乎

代回叢路李憲 至

奏最涪江按刑巫峽于蕃而歷四國所去見思察



州而奉六條其有所試恭惟某官分鼎井絡擅秀  
岷峨名父子之天資瓊璫之器難弟兄之家學金  
玉其相環轍久之褰帷晚矣惟良折獄何擇非人  
送以禮樂而有光既深簡在編之詩書而無媿願  
益周爰某跋遠莫前賀成已後三巴疏鑿雖莫瞻  
繡斧之持六轡馳驅猶願謹衣箠之護

代回浙東譙提刑

令憲

畫戟奏功繡衣疏寵專城作牧既優撫字之材一  
道觀風更展澄清之志有嚴星駕增重日畿恭惟  
某官蓄德齋深裊身肅括郎潛甚久不矯世以爲  
中鄉列彌高忽抗章而請外寄隆名於壁府歛大  
惠於金華民欲借君於一年公已報政於五月進  
之甸服寄以獄平遠有光華况近長安之日周爰  
咨度已接蓬萊之雲某甚慶得輿未遑削牘儻無  
雀角可使園扉之空似是馬曹亦竊廣廈之庇

代回陳提刑

守藩弗績扁舟欲問於吳江改組有嚴輿轎俾踰  
於閔嶺方露章而請免倏雲翰之寵貽愧非所蒙  
願竊有復恭惟某官抱材膚碩畜學崇鉉右城左  
平獻納盍司於清切上原下隰咨諏久屈於皇華

既潛消佩劍之風又密移珥筆之俗日月之貴名  
方起乾坤之新渥必審諒允吾味之同皆借君波  
之及其深入其阻北足以行共飲玻璃之江已有  
倚兼之幸或入鳴珂之里尚希拔薤之規

代回提刑樂郎中

繡衣平糴久勤周道之馳驅丹筆祥刑更奉漢條  
之寬大民非改聚官不易方雖四海之望未饜然  
重湖之幸何厚恭惟某器資疑遠德履直方摩蜀  
道之青天豺虎莫投其距歌郢中之白雪犬羊難  
肆其腥名大震於京師材合居於給諫惟是山海  
之征推難損一雞欲其財貨之懋遷是資四牡遂  
頌英節來按薰湘皇皇原隰之華民無遺便暴暴  
丘山之積居有積倉公若違之他邦民必爭於境  
上惟良折獄何擇非人既無得而易堯信莫如於  
借寇衡雲改觀頓令山嶽之自搖湘水澄波便覺  
江河之易避第虞詔紫不俟突黔某辱託比肩每  
蒙合志勞來還定安集欲慰疲吐同寅協恭和衷  
正資益友所慙尺牘有舛朋箋魚相忘於江湖諒  
不責腹中之素鳳又繼之日夜尚同歌肘後之騷

代回江東提刑譙寶文

令憲

寶廬寓直玉節按刑江淮草木之威名曾孚有衆  
河洛圖書之經緯爰寵此行恭惟某官奧闕刺天  
脩名拔地曾吞雲夢何小者之足言舟近逢乘又  
悠然而引去萬牛莫挽四牡載馳禮樂有光公不  
負澄清之志哀矜勿喜更何敢輕重其心有功見  
知不遠伊邇某民庸索寞歸夢飛騰望南浦之朝  
雲未能捲兩懷江東之暮日正阻論文

代回福建詹提刑 徽之

疏恩中禁持憲外臺褰帷風動於列城洗印日新  
於衆聽湖山自得原隰有光恭惟某官早抱通材  
備儀華貫游刃有餘矣經肯綮之未嘗善刀而藏  
之得躊躇之蒲志屬時更化加意審刑徑疇淑問  
之賢徃任皇華之寄維闔七聚不勝鱗介之勞奉  
漢六條寧止狐狸之問必有澄清之志乃無愁恨  
之民其審克之行且召矣某未遑燕賀先辱魚書  
君乘使者車固可想雲煙之風采詔詣行在所或  
少慰塵土之心期

代回湖南胡提刑 淵

還節荆襄按刑湘楚父老迎嘆見百年之故家叔  
姪交承後一門之盛事賢勞何憚聖眷方深恭惟

某官擇手中庸好是正直一經教子誰機寧觸於  
屏風萬里隨翁直氣早鏘於門限忠無不報孝可  
以移何周道之驅馳忘漢闈之補拾天高蜀道甫  
休捫歷之嗟地褊長沙又作回旋之舞蓋今褰帷  
之所自昔稅駕其間嶺北長蛇無復元城之迎侍  
遼東孤鶴足榮華表之來歸某視螺川為近隣恍  
憂門之遠別殘燈翳復吐寧有可借之光可久期  
不來徒抱相違之恨滿期召壘猶可盍簪

代回江西李提刑

珏

予環將漕持斧按刑一道三司公殆踐揚之徧兼  
旬並命上應簡注之深前賀方馳後緘狎至恭惟  
某官鎮浮雅量撥劇長材左馮翊右扶風居多善  
政朝天津夕西極未究遠猷當戎狄講解之餘有  
溪洞猖披之醜見大夫無可使者明天子選而用  
之知效一官笑他人之劫劫身兼數器覺餘地之  
恢恢民為上所不為本原安在我徃寇亦能徃保  
障奚先願繼周使臣之光華豈徒漢刺史之風采  
某見賢忍渴得報忘飢不解世俗書謾瓊瑤之效  
報寶為天下賀願金玉之盡珍

代回湖南胡憲

澣



老形已具又自分於投簪成命莫回惟罔功而曳履燁然下問厚其甚高情恭惟某官政爲吏師行有家法皇華原隰之上又職咨諏清切雨露之邊合班獻納顧令衰白亦復佩蒼得非隣壁之光密借榮河之潤某負二宜去已三上章行或使之即返屠羊之肆願有復也遙瞻回鴈之峯

代回成都林憲

紫已

畫戟疇庸繡衣疏寵田里之無愁恨歷試茂哉原隰之有光華載驅榮甚恭惟某官人門具美天分仍高我舉時流窘邊幅者多矣公抱國器願綠籍以須之又於典州方此將指川合東西而瞻使豈不足歟王置左右而輔台恐未免耳既均牡轡益煥龍光某年以衰侵心爲形役已屢章而告老兆足以行望三節之鼎來每懷靡及

代回江東葉憲

贊

骭麟雲司將謀退而飲山綠便蕃天寵使無功而佩水蒼徒噴人言誰併予美恭惟某官好是正直多所平反江以東之瘡痍各安饘粥斗維北之喉舌難挹酒漿猶贈以言欲華其老然持總衆職而相望恐難備百工之所爲某鳩僇非瓜疑已决

薦尚書不煩以政終非孔錢之宜白丞相去歸其鄉當希踈廣之老

代回江西李憲

五

制五刑以即天已慙占筆居四民而時地猥使代庖諒皆皇華之光密有蔽芾之蔭恭惟某官徧持三節游歷諸司方赤子之弄兵金堅憂熾賴繡衣之持斧風動草披仁遠及於一墨官躡升於八座某水焉得北日已薄西總余轡於扶桑安知飭化集王事於苞栩願見勞還

代回廣西郭提刑

貳

隨而薦栢酒遠莫致之得書而已麥秋報之何以恭惟某官馳心拱北將指宅南漢節梅花已弄青黃之實周原苞栩既成蒼翠之陰諒惟平秩之功如在始和之吉某雲司玩歲水部媮閑三月不違仁勞飛鴻之遠到五嶺皆炎熱願秣馬以遄歸

代回利路鮮于提刑

中之

虎符違次龍節載驅禮樂遠而光華遐心何有師旅因之飢饉敏手是資恭惟某官籍甚人門燁然地望吏民相告方懷季子之章郡縣未澄宜攬孟博之轡劔閣今為平地鮮于世號鳩是公有埋輪

之心民何懸釜之慮功德如是祥祉如是其善持  
之刑獄幾何錢穀幾何行且召矣某老而浪出冗  
未汰歸五雉爲工徒積汗顏之媿四牡勞使願收  
直指之功

代回江西陳提刑

天宜

自天申命易地詳刑南海之陬旣濡無復跼之  
困西江之水方涸更爲活鮒之謀恭惟某官奧學  
名家通材資世恢乎餘刃孰嬰紫電之鋒飛不盡  
翰斜取青雲之勢頃分半竹惠蒲三楓尋專刺舉  
之六條迄用澄清於五管惟是畫冠之化未乎珥  
珥筆之民欲銷赤子之弄兵必假繡衣之持斧周  
爰咨度行將勞星駕之還遠有光華何況接日畿  
之近某濫茲聯事幸甚依仁所望使者之車疾驅  
沃轡庶假忠焉之誨叶濟疲疇

代回廣東潘提刑

前

分符奏最持節祥刑田里之無嘆愁選諸所表原  
隰之周咨度遠乃有光恭惟某官器宇浚明風猷  
膚碩頃儀六館實倡諸儒玉石一區時方負隴西  
之媿滄澗異味何至空冀北之群迄著顯庸蔚爲  
循吏一麾出守方幸同寅六轡載馳復聞後甲片

言可折必能體欽恤之心五嶺皆步正足履滄海  
之志星言夙駕天不違顏某十國爲連再鼓愈淡  
落霞孤鶩不能奪葦菜之思尺素雙魚願無廢梅  
花之寄

代回江東葉憲箋

斜日投閑冒誤恩而入侍朶雲借潤灑好語以相  
先有味其言不知所報恭惟某官恢然抱負久矣  
踐敷榮分刺史之符勇樸郎官之被甫陞華於卿  
月又趣駕於使星黻弄明珠自是驚人之質追隨  
瑣闥會歸密地之班某起家一寒去國十暑頭顱  
如此難避西嶮之光陰膂力旣愆又踏東華之塵  
土會且歸矣焉用文之

代回曹提刑叔遠

顯奉郡庸肅將使指凝香畫戟政成數月之間直  
指繡衣象應一星之入用賢如此載路驩然恭惟  
某官天韻崇袞風猷峻潔三年博士誰韓愈之見  
治六館諸生留陽城而不果徘徊南浦檢校東屯  
却念枳城實產伊川之易因尋涪水欲昌山谷之  
詩孔席未溫曹裝又趣刑罰不中則無措自昔欽  
哉禮樂言遠而有光是在使者佇從刁牡歸侍六



飛某方襍賀緘已蒙謝牘我留綿谷正方深通侯  
之防君把繡衣未可動思吳之興

代回新葭路李提刑

至

凝畫戟之香爰分漢竹持繡衣之斧式憇甘棠燕  
賀厦之未能鴈寄書而何速恭惟某官氣鐘井絡  
秀出岷峨真難兄之弟難弟之兄信名父之子名  
子之父人生五馬貴四出守而無嫌權門九牛毛  
屢掉頭而不顧乃今直指猶是斜飛持衡秉鈞此  
言何爲至我明刑種德所有更以贈君某日旣薄  
山雲借出由惠文柱後殆非失老之謀神武明中  
行進乞身之請

代回方提刑

信孺

已下代衛參作

觀風嶺外公遠有於光華易地江湄我但慙於玩  
惕鼎來下問益仞高情恭惟某官學與古稽美全  
世濟江濤如此誰知戮力於神州人物眇然士頗  
傾心於執事久於直指無乃斜飛然小大之獄旣  
得其情則澄清之志亦足以展風雲之會朝夕以  
須某分闡何功投林是幸叔夜不便於書疏遂緩  
報章莊周無索其形骸尚祈終惠

代回方提刑

信孺

報政九疑觀風五嶺萬物吐氣正須魚鰲之駭六  
轡周咨何慮越人之瘖恭惟某官風猷強濟業履  
浚明學禮之有異聞蚤駿萬夫之望誦詩而能專  
對卒鳩二國之民九重念功再命作牧與其田里  
之無嘆息賀其見鳳之鳴何如原隰之有光華惠  
尔跼焉之外星言雙節山鎮百城刑獄幾何錢穀  
幾何不嫌纍印功德如是祥祉如是佇即予環某  
方欲修辭遽勤委重雙魚尺素何言衛公綠竹之  
詩兩驂四黃請繼方叔葱珩之詠

回叢路李提刑鐔

二年和義之郡粗護趙崇再命通德之邦獲依仙  
李不謂我入而公出真成室邇而人遐辱寄朶雲  
如對落月恭惟某官負材鯁亮蓄德鴻深雪檜霜  
松凜凜祖風之似公槐柳棘英英家學之傳四奏  
郡庸兩將使指巖巖漢沔帳下之甲多奔往往巴  
渝舟中之指可掬去孔伋君誰與守見王導吾復  
何憂其歌四牡之有功行趣八鸞之入覲其獲通  
族譜且託交盟勿勞乎勿誨乎尚希忠告同姓也  
同業也宜不遐遺

梅亭先生四六標準卷之二十五

梅亭先生四六標準卷之二十六

倉使

通王提舉與權

抗章引外揭節司平正士去朝四海之疑未釋望  
郎問俗三湘之幸則多况以部刺史之天來臨舊  
令尹之地民信之矣帝念在茲恭惟某官天韻崇  
欲風猷膚碩學問廣大日光玉潔而蛟翔志氣清  
明燭照數計而龜卜早提邑最入踐朝行徧儀清  
選而人訝其遲立登要路而公不之領古之君子  
寧可祿歎而氣豐今之謀人集恤身進而德退弟

衣勇其攬轡慨然載歌小雅之皇華在領大招之  
清絕我聞在昔三異具見於一同民到于今五善  
固忻於重拜所虞駟召靡俟鴈回其去國三年起  
家貳郡瞻霄漢之佳士昔蒙或輓以或推逢瀟湘  
之故人今乃受容而受察偶甫至丞哉之璧末由  
望使者之車文儒申申既喜迎柳公之不遠武岡  
矯矯亦幾見王導而無憂

通湖南樂提舉章

人一天而我二未違樂霧之披戒七日而齋三將  
長銜雲之拜持不典之上轄廣莫達乎中育前續  
斐然負芒悚甚恭惟其官器資顯允德履碩層亞  
卿之呼吸智謀雲仍固在正子之充實善信風烈  
猶存魏科摘髭要路策足落筆坐奔於萬馬善刀  
立解於千牛縣庸尉乎浮湘郡最卓於守郢不但  
別盤根之利器要已知勁草於疾風盍歸清切之  
班朝夕獻納勉副皇華之遣原隰馳驅甫湘水之  
曉行遘蔡城之夜縛酈醪有酒洞庭無波六轡既  
均復成清絕之地一節以走恐登碧落之天某不  
肖至愚無聞甚陋二科鹿鹿遂謀三釜以養親千  
里魚魚誰以四方而供簿然專令朱山而墨入大



不敢黃放而白催有先達者為之前此心或遂在下位不獲於上茲道難行受察去初願忠敢隱移慈竹而裁率土定未忘故里之情賦梅花而獻繡衣敢妄冀聞人之目

通新江西提舉兼知撫州徐監丞

瑒

榮驅龍節兼綰魚符內府轉丞方表循良之最外臺選使更疇牧御之庸一道驩然六條秩若恭惟某官器資庸敏業履淑均無終義理之文夙高朱賈有功平反之德遠邁于張峻名胄之遙遙知餘風之挺挺君山出牧屹隆維屏之藩汝水竊鄰已沐餘波之潤帝念西江之涸民多南畝之離肆咨六轡之良并任雙旌之重安其田里而無恨有蔽芾之甘棠送以禮樂而有光寧逶遲於苞栩諒耻納溝之失所必已搢轡而慨然式端其歸不諫亦入其庵回蜀道企想滕仁畏此簡書之流馬木牛之智芥然疲役知奔蜂蠶蠹之難何由回北斗之槎尚冀下南州之榻其為頌俟罔既鋪蔡

代回胡提舉

案

訢合守符載馳使節田里之無愁恨已茂民庸原隰之有光華宜膺君選恭惟某官器資疑遠德

端深迎寒露置玉壺撓而不濁懷遠切佩寶璫  
之也温有華左輔詳試右翊歛嚴瀨釣竿之手將  
賦歸來適武夷粟粒之牙猶煩料理龍光甚渥牡  
轡如濡君乘使者車民知免矣詔詣行在所予日  
望之方欲通咫尺之書乃先勤四六之惠某老未  
得謝命作納言不善斲而汗顏稍麾即去望持斧  
之直指更勉其驅

代回淮東齊倉礪

訢合守符肅將使指田里之無愁恨厥績茂焉禮  
樂之有光華此行寵矣恭惟某官人門具美風調  
不羣温恭維德之基於文無害平易近民之政所  
去見思眷是榆邊鬱然棠蔭茲自天而出綍不馬  
地而褰帷淮水湯湯式展澄清之志周原膺膺行  
觀勞來之功某縻迹於朝莫面以賀五雉之爲工  
正久已懷歸四牡之勞使臣別遲贊喜

代回湖南揚倉九鼎

顯陞簿正改貫使華國方貪賢使服班行之上民  
尤望賜故資原隰之驅書繡分光宵衣寬顧恭惟  
某官性資寬粟材具碩庸觀其不辭州縣之勞固  
知必爲廊廟之器兩著扞城之績七刻見思一唯

枕塊之悲毅然執禮既畢祥琴之御委膺戎器之  
除適是重湖年饑而用不足加之諸洞地大而孽  
易牙欲其澄清知所斂散非輟寬閑通敏之士難  
課還定安集之功四牡載馳萬物吐氣突不黔席  
不煖了無偷安避事之情居有倉行有糧會見節  
用愛人之學某賀我選厥逢人說斯暮見吳山有  
老大徒傷悲之感曉行湘水願功名留久遠之看

代回浙東孟提舉植

肅將星駕分察日畿遠而光華况去天之尺五近  
在旦夕佇擊水之三千曾激進之末由何謙撝之  
先辱恭惟某官器資翊重德宇浚明方公少年嘗  
栖棘於獨秀之下維時老子偶泛蓮於鬱孤之傍  
屢獲過從不勝傾倒嗟其三紀存者幾人細思一  
夢之回何翅千帆之過天子有詔選公卿於西漢  
之循太守謂誰疑姓名必東家之故顧取斜飛之  
勢又爲直指之行登蓬萊宮問百萬蒼生之辛苦  
探會稽穴添一部史記之雄深舉頭即在於長安  
濯足會登於雲漢某鷄豚共社虎鼠同宮方欲寫  
贊喜之情乃先沐過情之謝承明之廬勞侍從之  
事無以公歸邦家之光非閭里之榮豈惟我賀

代回江西王提舉

顏問

簪筆何功蒙誤恩之起廢函牋為惠感妙語之噓  
枯有味其言不知所賀恭惟某官王之膺使古之  
謀人慷慨登車覺范滂之不遠勤渠下榻延徐穉  
以來前故當駕彼四牡之勤不廢遺我雙魚之寵  
某老將及耄生也有涯雖則荷囊還本來之面目  
其如蓬鬢當自揣於頭顱曷月還歸定相從於杖  
履因風占謝愧莫報於瓊琚

代回湖南葉提舉

宗魯

起自家林肅將庾節民以財為本當加培植之功  
君乘使者車必有阜通之政得人如此通國驩然  
恭惟某官風調不群天材甚茂郎潛既久忽為襍  
被之謀邊隙方開亟進徙薪之計身謀雖左物望  
益高茲膺禮樂之光華復任貨財之平準政恐公  
車之暮召不容湘水之曉行某嘗具一箋未敢多  
賀駕彼四牡諒有功而見知雖則七襄愧成章之  
匪報

代回孟提舉

植

生日

庭芾門弧方切蒙我之感函牋臺餽仰勤桑梓之  
情卻之不恭用是下拜恭惟某官巧直絕谷更忌



噓枯記孟陬之庚寅撫其遲暮憐彼人之甲子沈  
在泥塗華以緹絨加之飲饌某丁年託契亥字過  
期鵝鴨之惱比鄰其華登俎雞豚之同保社敢不  
舉觴

代回章提舉 良肱

郡符訢合庾節光華昔湘南之一州歛此大惠今  
江西之列郡况可小康演而申之自此升矣恭惟  
某官器資凝遠學行淵深領著雋中豈固薄蓬萊  
之島抗章請外必欲開祝融之雲人言衡山千里  
而遙孰知周公暮年而變茲從畫戟易畀繡衣載  
馳載驅民已安於四境受容受察吏知服於六條  
將由膚使之功又趣面君之詔燕人為丞粵人為  
鐔奏技闕然伯氏吹璣仲氏吹篴均首幸甚某自  
聞除目尤切歡顏託諸侯以寓公自今以始受一  
屢於仁政曷月于歸

代回文思趙提舉 希倉

疇庸百里進轄五工禮儀知皇帝之尊所關甚重  
臺閣須子弟之習未占已孚恭惟某官禮樂宗英  
典刑家法兩試一同之地並騰三異之聲所去見  
思願留借寇後來居上無以易堯百氏上匠震式

上陶小煩鳩僞周公拜前魯公拜後會即參照  
天幸同曹早勤委贄名父子之歷塊俯仰為僚老  
詩書之斲輪始終知免

代回孟提舉植

憲曹贊治自揆罔功起部虛負遽叨攝長冒國恩  
而有覲託鄰比以知歸恭惟某官密邇王畿久將  
使蕩有功則說行當勞四牡之來位事惟能必進  
苞六飛之御何旁觀之巧匠猶不廢於拙工特枉  
雙魚見華五雉某續三不告負四宜休某水某立  
乃童子所釣遊也彼鋸彼斧惟梓人之進退焉

代回浙東王倉遇

右翊合符左畿易節田里之無愁恨畫地共談原  
隰之有光華去天一握恭惟某官學為儒倡政號  
吏師出守晉陵適楚氛之甚惡獨明召教救周民  
於矛遺茲由畫戟之香進席綉衣之寵公方念越  
人之瘠加戚于心上將思王某之文最宜為誥某  
比方謁入復辱書來四牡之勞使臣行且召矣五  
雉之為工正猶幸見之

代回廣東孟提舉渙

避直郎闈服勤使節番陽之召來胡可錫予之頌

嶠于行言遠而光華也恭惟某官以才膺敏賦政  
中和不俟駕固將朝陳前甚敬將入門奔而殿敢  
後則非駸駘馬之嘽嘽妥飛鳶之跼跼梅花雪片  
洗空五嶺之炎荼煨鹽悅贍足九年之食使乎不  
辱王所謂何某有幸卜鄰謂當聯事北山曠膽已  
移猿鶴之文東野回頭猶有驅蛩之願

代回湖北趙提舉

師石

虎符新合牡轡光華卧護重湖材素雄於辨治身  
兼數印權益重於按臨恭惟某官德秉忱恂識全  
膺敏一路大計惟錢穀幾何刑獄幾何連年多虞  
善要積缺矣忠信缺矣繡斧茲煩於直指絲衣尤  
樂於平反載馳載驅想星言之夙駕是撫是袞將  
天道之好還某闕然傷功偶此攝長送之以禮樂  
愧賀幅之已稽是以有袞衣願德音之是懋

代回淮東陳倉

孔碩

抗辭請外將拍臨邊明啓刑書未覺丞哉之負式  
過寇虐正觀使者之功恭惟某官表嚴而裏寬人  
今而學古孔懷同氣蟬孰歎於有綏折獄片言雀  
難欺於無角適淮民之飢饉勤周道之倭遲側聞  
褰帷良多負襁粟塞其庾斯成末乃取關之勅印

弄於朝行有無以易竟之命其濫司食化莫臻元  
華遺我雙魚豈止加餐之字駕彼四駱請歌靡盬  
之詩

代回江西章提舉良肱

五雉工正之聯承人之乏四牡使臣之重博我以  
文得非所蒙願切有復恭惟某官內外揚歷表裏  
融明開南嶽之雲厥功已茂激西江之水所惠滋  
多蘇民氣於崇朝斧盜吮兮未晚皇華原隰之上  
願益咨諏清切雨露之邊會觀獻納某強顏曳履  
決意投簪觀風而問高年想憐其出畫地而數佳  
政亦足以歸

代回浙西林提舉拱辰

簪筆何功蒙誤恩之起廢函牋為惠感妙語之嘘  
枯或承之羞不知所賀恭惟某官高誼絕俗厚德  
鎮淳宜頡頏於飛霞猶簸弄於明月駕彼四牡名  
大震于京師遺我雙魚光自生於庭戶其拜命之  
辱有味其言咫尺不違顏雖少華於末路八十猶  
行腳諒見笑於大方

代回淮東劉提舉庶

斜日投閑冒誤恩而入侍朶雲借潤麗好語以相



先自惟闕然何以得此恭惟某官曰 弄雋立信 夷塗忽持漢節之光華出問淮人之飢饉民為國之本不應壹付之烏鳶君乘使者車乃可再安於鴻鴈行且召矣願少需之某生也有涯身其餘幾意行迷路又涉赤墀之塗興盡回舡終尋黃石之約

代回淮東趙提舉 希道

旬侯辰績庾節遄驅十二政之聚民可觀近效六百石之察郡益究遠圖邊面得賢上心倚重恭惟某官稟資信厚毓德直溫頃結綬於王畿即分符於輔郡適時艱食極力救荒能活數十萬人之飢何必二十四考之政有華出綽亟命褰帷財貨本末源流諒皆素習勞來還定安集自有成規六轡既均二節以走其欽聞視象未果褰牋遺我雙魚良感從遠方之惠駕彼四牡何幸勞使臣之來

代回湖北曹提舉 彥約

短衣疋馬又塵紫橐之班長跪雙魚如見繡衣之面雖無以報敢誦所聞恭惟某官學本遺經用周當世一種陶潛之秫再依王儉之蓮扞索虜於淮瀆屹長城於漢水恢然游刃經肯綮之未嘗快或

此風搏扶搖而在下屬重湖之瘡痍為一貧之  
詎因而訪桃源之桃不妨假館恐未熟橘洲之橘  
已見趣裝其父於離群茲焉還綴老夫耄矣更數  
旬金馬之門我公歸兮或一笑銅駝之陌

代回趙提舉

汝謙

代衛參

分閩罔功願歸吳下改轅有命俾牧閩中業已控  
辭期於得請欲謝吹噓之迭已成臯緩之慚恭惟  
某官屈漢宗英持周使篤江湖表裏勤四牡之載  
驅山嶽動搖覺千仞之立解飢者欲令其得食慨  
然已見於登車諒必由洪都新府而來猶可陪異  
州故人之飲行止非人能也得無戀戀之情解后  
適我願兮宜有諄諄之誨第恐一節之走能回六  
轡之馳其正爾思尊又蒙分竹深入其阻足觀海  
上之禽魚不已于行只負山中之猿鶴

回王提舉遇

遇

代月湖

右翊合符左畿易節田里之無愁嘆畫地共談原  
隰之有光華去天一握恭惟某官學為儒倡政作  
吏師出守晉陵適楚氛之甚惡獨明召教救周民  
於子遺茲由畫戟之香進席繡衣之寵公方念越  
人之瘠加戚于心上將思王其之良軍為

北方謁入復辱書來四牡之勞使戶有且召戶五  
雉之爲工正猶幸見之

回尤提舉禁

去國奉祠久抱伐檀之媿起家進職忽叨分竹之  
榮曾冀謝之未皇何謙撝之甚寵恭惟某官見聞  
殫洽議論崇欲尚書之履有聲典刑是似部使之  
斧直指風采凜然皇華寧久於咨諏清切即觀於  
獻納某同爲吳客共落楚鄉德必有鄰倚輔車而  
增重服之無數藏簡牘以爲榮

宗正

代回西外趙知宗不應

小宰立班愧星辰之曳履大宗維翰貽月露之連  
編雖過乎情良感此意恭惟某官忱恂有守信厚  
不浮天揖同姓之聯肅然糾合盡日宣三德之  
敬莫不浚明雖去爲善之居家尤樂推賢而報國  
有華新渥猥及陳人某司臬亡庸共工甚忝虎拜  
稽首願觀蕃錫之榮龍作納言已懼曠官之辱

代回西外趙知宗不應

疏詔東平展親西外王曰叔父立恐台于家邦以

作秩宗受祉施于孫子棣華韡韡瓜瓞綿綿恭作  
某官大雅不群為善最樂箴規磨琢蹈衛武之流  
風忠義輪囷粲劉向之封事庸專糾合之任助成  
睦族之仁周之宗盟誰若滕侯之長唐之宰相豈  
遺德裕之賢某側聽渙揚未遑旅賀召伯分治諒  
信如麟趾之詩長卿倦游愧莫續兔園之賦

